

آبونه شراب : هر پراچون
سنه لکي (۴۰۰) آلتی ایلی
(۲۲۵) ممالک اجنبیه ایچون
سنه لکي (۴۵۰) آلتی آیلنی
(۲۵۰) غروشدور.

نسخه سی ۷,۵ غروشدور .
سنه لکي ۵۲ غددور .

اداره خانه : باب مالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع المنونیه
بول اولنور . درج ایدلین
یازیلر احاده اولماز .

والله یهدی من یشاء الی صراط مستقیم

باش محرد
محمد ماکف

صاحب و مدر
اشرف ادیب



آدوس تبدیلنده ایریجه
• غروش کوندرملیدر .

مکتوبلرک امضاری واضح
واوقوناقلی اولسی وآبونه
صره نومروسی محتوی
بولونسی لازمدر

ممالک اجنبیه دن آبونه
اولانلرک آدرهلرینک
مرانسزجه یازلسی رجا اولنور .

پاره کوندردلکی زمان نه
دائر اولدینی بیلدیرلسی
رجا اولنور

آبغون اهدکم سییل الرشاد

اونی آتشه صوققدر . فلا کنلرده ، بزى مساویمزدن تطهیر ایچون کوندریلیور . او حالدہ اولردن مستفید اولمق لازمدر .

سزه لازم اولان تجهیزاتک کافهسی سزه بخش اولونمشدر . ابن سینالر ، طارقلر ، قانچلر ، سرک ایچکیزدن چیقمشدر . بوکون بیله بونلرک امثالی آره مزده ، فقط بالقوه ، موجوددر . انسانک سعیندن باشقه برشی قازانامیجنى حقندہ قرآن کریمک وضع ایتمدیکی قاعدهدرکه اسلامکیزک عظمتنی تأمین ایتمدی عینی قاعدهیه رعایت سرک بوتون قوا وملکاتکیزی نمره دار ایدر . بوتون شان وشرف سرک بواساس قرآنییه رعایتکیزه وابستهدر . اوکا رعایت ، بکله دیککیز هر شیئی تأمین ایدر . چونکه الک بویوک دستور حرکت بودرا فوامه کمال الدیمه

مسلمانلر قادین

۳

قرآن کریم ، کرک زوچلرینک ارتحالندن ، کرک تطلیق اولونما لردن طولانی یالکیز قالان قادینلرله ، اهل صلاح اولان کوله لرله ازدواجی توصیه ایدرو بونلر فقیر ایسه جناب حقک اولنری زنکینشدره جکفی وعد ایلر . ۱]

کوله لرله کلنجه قرآن کریم بوتون انسانلرک تناسل ایلر تکیزر ایتمکلیرینه مبنی ، کوله لرله ، اقدیلرینک مساعده سنی آلدقدنصکره تأهل اولونماسنی ، اولنره مهر اعطاسنی ، امر ایدر .

قرآن کریم ، قادینک بر مال ، بر ملک کی استعمالنی ، بالارک میراثی آره سنده اوغله انتقالنی قالدیرمشدر . بوکی شیر قبل الاسلام شایعدی .

مسلمانلق ، زوجه لردن مهرلری استرداد ایچون ارککلری طرفندن حبس اولونمہ سنی قالدیرمشدر .

مهر مسئله سنده مسلمانلق صرف قادینک منفعتنی کوزه تمس بولونیور . بر ارکک بر قادینی آلمق ایچون اوکا بر مهر اعطا ایدر . بوهر کاملاً قادینه عائددر و اونک حق مطلقیدر . زوچلر بومهری بالاخیارومع المنونیه ویرمکه مکلفدرلر .

خلاصه دییه بیلیرز که قادینه قارشى یاپیلان هر قنالق ، مسلمانلق طرفندن کاملاً ازاله اولونمشدر . فقط مسلمانلرک یاپدینی اصلاحات ، قنالقلری ازاله ایله قالمشدر . چونکه مسلمانلق ارککک قانقیت بدنیه سنه ، قابلیات رجلیه سنه و امتیازات فطریه سنه رغماً ارککله قادینک حقوق و منافعه مسواتنی اعلان ایله مشدر . انسانلرک برعضوی اولمق اعتباریله قادینک حقوقی ارکک حقوقک عینیدر .

[۱] سورة نور [۲] سورة نساء .

تأسس ایتشدی . فقط بالآخره بوساطت سماریه نك اساسلری تبدیل ایدلدى . جمهوریت امك رأینه استناد ایدن حکومتلر برینه حریص سلطنتلر قائم اولدى . حضرت عیسانک تضرع ابتدکی ، قرآن کریمک ایضاح بویوردینی شکل حکومت ، حکومت جمهوریه نك اك مکمل شکلیدر . سلطنت الهیه ده انسانلر آراسنده بر فرق یوقدر . سلطنت الهیه ده نك ، عرق ، ملیت ، مذهب مانعلری بولونماز .

مسلمانلر عقاللرینی باشلرینه طوبایله رق بو دستور فعالیتیه صاریلرینلر . ثروتدن ، وساطدن محروم ایسه لر بونک اهمیتی یوقدر . چونکه اك زیاده محتاج اولدقلری ، فعالیت قدریندر . مسلمانلر جناب حقک کندیلرینه احسان ایتمدیکی قوا وملکاتی اك مکمل مکملده استعمال ایتمیلر ، اللرنی آیاقلرینی قوللانلرینلر ، کوزلرندن ، قولاقلرندن ، قایلرندن ، دماغلرندن اك مکمل استفادهلری تأمین ایتیلر . قرآن (ارض الله واسعة) دیور . مسلمانلرده بو واسع عالمده کندیلرینه

بر بول بولسونلر . آغاچلره بابیکیز ، بونلرک مختلف انواعی بریرده ا یکیز . کوره جکسکیزکه هر بری عینی محیطدن کندی احتیاجاته موافق غذایی بولور . اونک حائر اولماسی ایجاب ایدن خاصه امتصاص خاصه سیدر . نه زمان بوخاصه ضمه اوغراسه محیطی ده کیشدیرمک هیچ بر فائده ویرمز . اوت ، بعضاً اراضی غیر مناسب اولورسه محیطی ده کیشدیرمک ایجاب ایدر . فقط آغاچ امتصاص خاصه سندن محروم اولورسه محیط ده کیشدیرمکدن بر فائده اولمایه جنى حقیقی تبدل ایتز . نباتات ناصل بویله ایسه انسانلرده بویله در . حیات آخرت بیله عینی در . بو حیات دنیاده نه قازانیرسقی ، آخرتده نصیبمزه اولک مقابلیدر . قرآن کریم بو دنیاده اعمی اولانلرک آخرتده اعمی اولاجقلرینی ، حق دها شائقین اولاجقلرینی بیان ایدیور . او حالدہ بزم یاه جعفر شی اخلاق عالیله متخلق اولمغه چالیشمق ، حقیقی برسجیه اسلامیه یه نائل اولمق ، برکله ایله ، ایچمزه فعالیت قدرتی تربیه ایتمکدر . چوق یکمه دن بتون ضایعاتمزی تلافی ایدرز ، باشقه لرینه بر احتیاجلر قالماز . بز باشقه لرینه طایانه سزین ، کندی آیاقلرمن اوزرنده طورمه یی اوکره غمی بز . مبادیده ترقیمزک بطی اولماسی حائر اهمیت ده کلدز . یورویه بیلنجه یه قدر بلکه بر زمان کچر . فقط یورویجه مطلقا کندی آیاقلرمن اوزرنده یورومهلر یز . فلا کتله ، مشقتلر بزم سجیه مزی تقویه ایتمه لیدر . قرآن کریم دیورکه : «وبشر الصابرين الذين اذا اصابهم مصيبة قالوا انا لله وانا اليه راجعون» یعنی «او صابرلری مژده له که باشلرینه بر مصیبت کلدیکی زمان «محقق بز اللهک قوللری بز واللله دونه جکیز ، دیرلر .» بناء علیه باشکیزه کان هر هانکی فلا کت سزی بیلدیرماسین . بونلر سرک سجیه اخلاقیه کزی تحکیم ایدم جکدر . پیغمبرمزک بوسوزی سویله دیکی روایت اولونیور : «ابتلا کونی ، تمیزله نك کونیدر .» ابتلا ، بر آلتونی تمیزله نك ایچون

« ولهن مثل الذی علمن بالمعروف

« للرجال نصیب مما اكتسبوا وللنساء نصیب مما اكتسبن »

بویات کریمه قادینلره ارککلرک مساواتی کوسترمکده در :

« هن لباس لکم واتم لباس لهن »

مسلمانلق ارککلرک قادین حقوقه رعایتکار اولمالرینی ، قادینلرک

استحقاقی تأدییه اتمهلرینی امر ایدر .

« وآتوهن اجورهن بالمعروف »

مسلمانلق بر زوجک زوجہسنی ، حیات ومسعودیتک بر واسطه

تحقیق عد ایتمنی ایستر . ناصل بر تارلا ، اعتنا واهتمام نتیجه سنده

حیاتی ترفیه ایدہ جک شیلری انتاج ایدرسه قادین ده نه قدر حرمت ومحبت

کورورسه ، انسانک روحی اوقدر مسعود اولور .

مولانا (محمد علی) قرآن کریمک انکلیزجه ترجمه وتفسیرنده دیرکه :

« قادینک تارلایه تشبہی صرف اونک والدہ لکنه اونک سایه سنده

انسانلرک اجراز سجیه ایتدکلرینه ، حیات زوجیه دن مقصدک بر طاقم

مشتهیات بهیمیه بی تطمین اولمادیغنه اشارتدر . ناصل نباتانک نشوونماسی

طوبراغه وابسته ایسه انسانلرکده نشوونمالری ، سجیه صاحبی اولمالری

والده لرینه وابسته در . بو حیات زوجیه وحیات اجتماعیه ده قادینک اهمیتنی

کوستدر .

« نساؤکم حرث لکم »

قرآن کریم ، انسانلرک بوتون شئون اجتماعیه سیله مشغول اولمش ،

حیاتک هر صفحه سی ایچون قاعده لر وضع ایله مشدر .

مسلمانلق ، خریستیانلغه وبو دیلکه مخالفتله ، بکارلنی ، رهبانیتی

تشویق ایتمه مش ، رهبانیت حیاتی خریستیانلرک اختراع ایتدیکنی بیان

ایتشددر .

قرآن کریم ، ارککی ده ، قادین ده حکیم وعلیم اولان اللهک متقابل

اتحاد ومحبت ایچون یاراتدیغنی بیان ایلر . قرآن کریم ، آیات الهیه دن

برینک ، انسانلره همنوع لری اولان زوجہ لر یاراتماسی اولدیغنی ، انسانلرک

بوصورتله اونلرله تأمین حضور ایتدکلرینی وجناب حقک ازواج آراسنده

مودت ورحمت وجوده کتیردیکنی بیان بیورر .

مسلمانلقده ازدواجک هدفی « عفت وطهارتدر » ، حرصی تطمین

ده کلدر .

قرآنک زوجلره توصیه سی قادینلره تشریک حیات ایتهلریدر .

قرآن کریم ، قادینلره یالان بروعد ازدواجده بولونمنی نهی ایدر .

مسلمانلق قادینلرک اقربالرینه وارث اولمالرینه مساعده ایدر . ابوین

ایله یاقین اقربانک بیراقدینی میرانده ارککلرک حصهلری اولدینی کی

ابوین ایله یاقین اقربانک بیراقدینی میراث ایسترجوق ، ایستر آزا اولسون

اونده قادینلرکده حصهلری واردر .

فرانسز قانوننه کوره آنجق ارکک ویا قیز چوجوقلری ابویته وارث اولور .

حال بوکه قرآن کریم قادینلره ارککلرک وضعیت متقابله لرینی بو شکلده تعریف ایدر :

« مؤمنین ومؤمنات یکدیگرینک متقابل ولیریدر . بونلر معروفی

امر ، منکری نهی ایدرلر . نمازی ادا ایدرلر ، زکات ویررلر ، اللهه

ویغمبرینه اطاعت ایدرلر . بونلر رضوان الهی به نائل اولورلر . الله

علیم وحکیمدر . »

مسلمانلق عقیف قادینلری قذفه اوغرامقدن حایه ایدر . قاذولری

جزایه چاربار . اولی و ناموسلو قادینلره قذف ادوب دوت شاهد

کتیرمه ینلرک سکسان کره جلدینی ، بونلرک بر دهها شهادتینک عدم

قبولنی امر ایدر .

زوج ایله زوجہ آره سنده برسوه تفهم وقوعی تقدیرنده قرآن کریم

حکم تعیینله ائتلاف تأمیننی تشویق ایدر .

مسلمانلق ابویته اک یوکسک حرمق امر ایدر .

« کندیسندن باشقسنه طایمماکزی و آتالرکزه مابالرکزه ایملک

ایتمه کزی ربک سکا صورت قطعیه ده امر ایدیور . شاید کرک یالکز

برینه ، کرک ایکسینه بردن ، سنک الکه باقدقلری زمان اختیارلق چوکرسه

صاقین اوصانوبده کندیلرینه « لا الله » دیه . یوزلرینه باغیرمه . یמושاق

سوزلرسویله . صوکره شفقتندن قانادلرینی یرلره قدر ایندیرده قارشیلرنده

اوله طور . وه یارب اونلر نی کوچوک یاشمده ایکن ناصل مرحمتله

بویوتدیلرسه سنده اونلره قارشی رحیم اول « دییه دعا ایت . »

فقط والده لکه دهاعظیم بردقت جلب اولونمشدر . « انسانک ابویته

حرمت کوسترمسنی امر ایتدک . والده سی آتی آجیلرله طاشیدی .

آجیلرله طوغوردی . »

علیه الصلاة والسلام افندمزک قادینلر حققنده کی احادیث شریفه سنه

بر نظر عطف ایدلم . رسالتناه افندمز بویوریورکه :

« اک اییکز ، عالمه کزه قارشی اک خیرخواه کزدر . »

« قادینلر ارککلرک یاریسیدر . »

« دنیا و دنیا ده نه وارسه قیمتی حائزدر . فقط دنیا ده اک قیمتی

شی فضیلتکار بر زوجهدر . »

« بر قادین بش وقت نمازنی قیلار ، رمضان آتی اوروجنی طوتار ،

عفت و طهارتی محافظه ایدر ، زوجنه اطاعتسزلک ایتزسه بو قادینک

ایسته دیکی قاپیدن جنته داخل اولاجغنی خبر ویریکز . »

رسول اکرم قادینلری دوکمکدن نفرت ایدر :

« او انسانلرکه زوجهلرینی دوکرلر ، حسن صورتله حرکت ایتمش

اولمازلر . »

«عائله سی طرفدن خوی سه ویلن بر آدم، مسلمانلرک الکامللریدندر.»
 «مسلمانلرک الک ایسی، خوی الک ای اولاندنر. سزک الک ایکنز
 زوجه لرینه الک ایی معامله ایدنلردنر.»

«مشروع اولدینی حالده مبنوض الهمی اولان شی طلاقدر.»
 «جناب حق قادینلره حسن معامله اینمکزی امر ایدر. اولنر
 سزک آنالریکنز، قیزلریکنز، و تیزلرکنزدر.»

«قادینلرک حقوقی مقدسدر. قادینلره ویریلن حقوقک حسن
 رعایتیه دقت ایدیکنز.»

«فضیلتکار بر زوجه انسانک الک کوزل دینه سیدر.»

«قادینلرک جامعه کیتمه لرینه مانع اولمایکنز.»

بر دفعه حضرت عمر، بودار دنیا الک چوق آرانیه جق شینک
 نه اولدینی رسول اکرمه صورمشدی. پیغمبرمن جواباً دیمشردی که:

«ذکرالله ایله مشغول اولان برلسان، متشکر برقلب و برزوجه،
 پیغمبرمنک دیکر برمناسبتله بوسوزلری سولیدیکی روایت اولنمقددر:

«بر انسانک زوجه سنه محتاج اولدینی پاره نی اعطا ایتمه سی صدقه
 ویرمه سندن دها مهمدر.» «بر انسان جهاد ایچون بر دینار، بر
 اسیری قورتارمق ایچون بر دینار، بر واحسان ایچون بر دینار ویرر

و دردنجی بر دیناری رفیق سنه اعطا ایدر سه بوسوک دینار ایله قازانه جنی
 ثواب، دیکر اوچ دینار ایله قازانه جفندن فضله در.»

بر انسان، رفیق سندن آری بالخاصه کوزل برشی یمه ملیدر.
 زوج و زوجه نک یمکلرینی برلکده تناول ایتملری دها ایدر. پیغمبرمن
 بووریورکه: «زوج و زوجه برلکده طعام ایدیورکن جناب حق اولنره
 فیض و برکت احسان ایدر. ملکلر اولنره دعا ایدرلر.»

ینه رسول اکرم بووریورکه: «زوجه سنک خویشزلفنه تحمل
 ایدنلری، حضرت ایوبک دوجار اولدینی محن و مشاق یوزنیدن احراز
 ایتدیکی ثوابه مشابه بر ثواب قازانیر.» «چولوغنی چوجوغنی ترک
 ایدن، قاچان بر کوله کیدر. اولنره عودت ایدنجهیه قدر، هیچ بر
 نمازی، هیچ بر اوروجی قبول اولونماز.»

پیغمبرمن ازدواجی توصیه ایدیورکن، اولدکن صوکره
 چوجقلرک ابونته اوقویه جنی رحمتک اولنلری مستفید ایده جکنی،
 ابونندن اول اوان چوجقلرک یوم قیامتده اولنره شفاعت ایده جکلرینی
 بیان ایلر. بر چوجوق جنته کیریورکن آغلایه رق دیرکه: «باباسز،
 آناسز کیریه جکم.»

بر کون رسول اکرم بر آدمی قولندن یا قالایه رق شدتله چکمش
 و «چوجقلر بابالربنی جنته بویله چکه جکلردر.» دیمشدی. صوکره
 بونی علاوه ایتشدی: «چوجقلر جنت قاپیسنده طویلانیلرلر، آنالربنی
 بابالربنی، تا اولنره التحاق ایدوب جنته کیریجهیه قدر جاغیرلر.»

هجه لوداع خطبه سنده رسول اکرم از جمله دیدی که:

«زوجلر کرک اوزرکز ده حقوقی واردر. زوجه لر کرک ده
 اوزرکزده حقوقی واردر. زوجلرا زوجه لریکزی سه ویکز و اولنره
 حرمت ایدیکنز. اولنلری بر امانت الهمیه اولارق آلدیکز. اولنره
 ایی معامله ایدیکنز.»

«کوله لر کزه کانه اولنره ییدیکنزدن ییدیریکنز، کیدیکنزدن
 کیدیریکنز. اولنلری محافظه ایده مز، یا خود بر خطا ارتکاب ایتدکلرینی
 کورورسه کز اولنلردن آیریلیکنز. اولنلرده سزک کبی اللهک قولیدرلر.
 اولنلره قارشنی نازک اولیکز.»

حضرت محمد فراش احتضارنده ایکن دیدی که: «نمازلریکنزه
 دوام ایدیکنز و زوجه لریکزه حسن معامله ایدیکنز.»

پیغمبرمنک اثرینه اقتفاء بوتون اکابر اسلام، بوتون اولیا و علما
 اهل اسلامک زوجه لرینه حسن معامله ایتملرینی توصیه ایتشلردر.

حضرت عمر دیمشدر که: «ایماندن صوکره خیرلی برزوجه قدر
 بویوک بر نعمت یوقدر.»

ابوسلیمان دیورکه: «خیرلی برزوجه یالکیز بودنیا ایچون دکل،
 آخرت ایچون ده بر نعمتدر.»

اولیای عظامندن (بشراحانی) دیورکه: «قادینلرمنک اوزرنده کی
 حقوق قدر اولنلرک بزم اوزرمنده حقوقی اولدینی بیان ایدن آیت کریمه نک
 حسن ایفاسندن اندیشه ایتدیکم قدر باشقه برشیدن اندیشه ایتیه یورم.»
 ابن مبارک، جهاد ایله مشغول ایکن کنایسنه جهاددن دها
 خیرلی برشی بولونوب بولونمادینی صورولونجه شو جوابی ویرمشدی:
 «بر آدمک حسن صورتله چولوغنی چوجوغنی ییدیرمه سی، کیدیرمه سی،
 غنالی، انسانک زوجه سیله ایی کچمه سی لارم کلدیکنی سویله
 دکن صوکره اونک غیرمعقول بر طاقم حرکانه تحمل ایتمه سی ایجاب
 ایتدیکنی، زوجه سی تطیب ایتمه سی لازم کلدیکنی، بیان ایلر.»

هیچ بروقت اونوتولاملیدر که دین اسلام، دین فطرتدر. مجادله
 حیات، اصطفا ی طبیعی، تأثیر وراثت کبی قوانین طبیعی ارککک
 قادینه بر طاقم صفات و قابلیات ایله متفوق اولدینی کوسترمکده در.
 اوقدر که ارککلر حیاتک هر صفحه سنده بر چوق بویوک شخصیتلر
 یتشیدر دکلری حالده قادینلرک بو خصوصده احراز ایتدکلری موفقیتلر،
 بیکنده بر درجه سنده دکلدر. تاریخ قدیمک کوستردیک شکلده ارکک
 الک اسکی زمانلردن بری قادینه حاکم اولمشدر. بویک اسکی محکومیت
 قادینک بدنی و سجهیه سی اوزرنده اجرای تأثیر ایتمشدر. قادین، اجتماع،
 دین، سیاست و حتی فکر اعتباریه محکوم بیر قلمش، بناء علیه انکشاف
 اعتباریه ارککک کریسنده قالمشدر، بناء علیه اونی آرتق کچه مز. چونکه
 ارککک انکشافی یک قدیمدر. قادینک بو اعتبار ایله ارککک حرمت
 ایتمه سی لازمدر.

م. حسین قیصرای